

Mauslen en Kjinja: Waut die fält to weeten



Waut es Mauslen?

Mauslen es een sea wankende Krankheit. Daut vespreet derch hoosten, prusten, ooda dichbie jeemaunt senn wää de Krankheit haft. Eena kaun daut mau rajcht noch kjriien von enne Stow benn senn wua ne Persoon met de Krankheit benn jewast wia – noch bat 2 Stund no waut see aul fuatjegonen wieren. Mauslen kaun sea schlemm senn, besonda fa junge Kjinja un Menschen waut nich de Impf jekjräajen han.



Waut senn de Tieekjens?

Mauslen kom jeweenlich en Stooopen äwadäl:



Onjefää 1 ooda 2 ut aule 10 Kjinja waut Mauslen han woat daut fälen toom no de Hospitol Nootfaul Stow jebrocht woaren ooda enne Hospitol bliewen motten wäajen Probleemen so aus Uarietinj ooda Lungenenzindunk. **Mauslen kaun Kjinja sea krank moaken.**

Tiedje Tieekjens (Doag 1 – 4) (von dän ieeschten bat dän veeeden Dach)

- Huagen Feeba (foaken äwa 38.5°C ooda 101.3°F)
- Schnoddaje Näs, Hoost
- Roode, wotaje Uagen
- Meed feelen un nich äten wellen



Lotre Tieekjens (Doag 3 – 7) (von dän dredden bat dän säwenden Dach)

- Ne Roode, plakje Hututschlach waut aum Jesecht anfängt un dan no daut äwaje von de Kjarpa vespreeden deit
- Kjliene witte Plaken em Mul benn waut "Koplik spots" jenant senn.



Woo du dien Kjint von Tus besorjen kaus

- Jäw an väl to drinkjen so daut dee nich utdreejen.
- Bruck acetaminophen ooda ibuprofen fa Feeba (doo nich aspirin brucken).
- Moak secha daut see väl tiet han toom vereiwen.
- Hool dien Kjint Tus opp weinichsten fa 4 Doag von dan waut daut Hututschlach aunfunk.



Aundre beschutzen

- Aundre Menschen em Hus waut nich jääjen Mauslen beschutzd senn wudden uk Tus bliewen sellen wiels dee muchten Mauslen jekjräajen haben, buta dee een "post-exposure prophylaxis" Impf (Impf ooda Wadastaunt Globulin) enne Tiet jekjräajen hauden toom de Krankheit väabeejen.
- Bliw wajch von Bäbes, schwangre Frues, un irjenteena waut ne schwake Wadastaunt sisteem (Immunsisteem) haft.

Mea Informazion aum näakjsten Blaut →



Wanea du een Jesuntheits Vesorja wurscht seenen sellen

Nemm dien Kjint fuaz no een Jesuntheits Vesorja wan dee:

- Ne schwore Tiet han met odmen, pienich jeschen motten, ooda lude sort Jeluden moaken doon wäarent Odemholen.
- Veschleepat senn, derchenaunda ooda nich kloa senn, ooda äant es schwoa opptowakjen.
- Feeba han waut nich wajch jeit (hecha aus 39.5°C ooda 103°F)
- Nich drinkjen doon ooda wiesen Tieekjens von utjedrieecht senn (drieetje Mul, kjeene Tronen, Uagen loten enjesunken, ooda see gonen nich so vâl noem Wauschrum om Wota loostoloten aus waut see jeweenlich wudden).
- Jaumarieren daut äa Uaren Wee doon ooda aun äare Uaren rieten.
- Ne Aunfaul (Aunstoot) haben ooda een Stiewen Jenekj.
- Hututschlach haben met Blootblosen ooda waut bleeden deit.
- Schient soo daut woat schljachta no waut dee Hututschlach aunfunk.



Wichtig: Wan du no een Klinnikj ooda Hospitol jeis, Roop dee Städ em verut aun so daut see staupen näm kjenn om dän Virus to vehindren von wieda spreeden.



Behaundlunk/Doktarie

- Doa es kjeen besondere sort Medizien toom Mauslen behaundlen (doktren), oba doa senn Wäaj toom met de Tieekjens halpen. Folgen de Poat **“Woo du dien Kjint von Tus besorjen kaus”** no waut aum Blaut Numma 1 (eent) jeschräwen es.
- Wietemin A mucht eenje Kjinja halpen waut met Mauslen krank senn, oba daut deit nich Menschen vääbieejen von Mauslen kjrieen. En BC, Doktasch roden dit bloos too fa soone Kjinja waut krank jenuach senn toom en Hospitol bliewen, ooda fa dee met schwake Wadastaunt sisteemen (Immunsisteemen). Tooväl Wietemin A kaun eem krank moaken (tB., kolkjen, Derchfaul, un Dieslen).



Vääbieejunk

- Dee MMR Impf (Mauslen, Momps, Rubella) es secha un schauft fein.
- Kjinja sullen tweemol jeimpft senn: eenmol bie 12 – 15 Monat oolt un noch eenmol bie 4 - 6 Joa oolt
- En Städten wua välle Mauslen han, public health mucht tooroden dän Impf tiedja to kjrieen.
- Wietemin A deit nich Mauslen vääbieejen.



Froagen?

Räd met jun Jesuntheits Vesorja ooda de public health Offitz/Jesuntheits Offitz en jun Omjääjent.

Foadich jemoakt bie: BC Children's Hospital Infectious Diseases Specialists.